

大  
寶  
積  
經

籍

第  
九  
十  
九

八  
十  
二  
制  
九

47607



元祿九年丙子二月日重脩

皇圖聖圖 帝階綴昌

佛日增輝 懋輪崇轉

山城州天安寺法金剛院置

大寶積經卷第九十九

制

元魏三藏法師佛陀扇多譯

無畏德菩薩會第三十二

如是我聞一時婆伽婆住王舍大城耆闍崛  
山中與五百比丘眾俱菩薩摩訶薩無量無  
邊復有八千菩薩摩訶薩而為上首皆得三

昧及陀羅尼善入空無相無願三解脫門善  
巧諸通得無生法忍所謂彌樓菩薩大彌樓  
菩薩常入定菩薩常精進菩薩寶手菩薩常  
喜根菩薩跋陀波羅菩薩寶相菩薩羅睺菩  
薩釋天菩薩水天菩薩上意菩薩勝意菩薩  
增上意菩薩摩訶薩八千人等而為上首介

時婆伽婆依王舍城住若王王子諸婆羅門  
長者居士尊重讚歎而供養佛尔時世尊具  
有無量百千万衆恭敬圍遶而爲說法尔時  
尊者舍利弗尊者大目犍連尊者大迦葉尊  
者須菩提尊者富樓那弥多羅尼子尊者離  
波多尊者阿濕卑尊者優波離尊者羅睺羅  
尊者阿難如是等無量聲聞於其晨朝整衣  
持鉢入王舍城從家至家如法乞食更無餘  
緣時諸聲聞如是乞食漸漸遂到阿闍世王  
所住宮殿至王所已却立一面嘿然而住不  
言乞食及不乞食尔時阿闍世王有女名無  
畏德端正無比無匹無雙無竝無類成就最

勝殊妙功德年始十二在其父王堂閣之上  
著金寶履彼處而坐時無畏德見諸聲聞不  
起不迎嘿然而住不共問答不迎不禮不讓  
牀座阿闍世王見無畏德嘿然而住即告之  
言汝豈不知此等皆是釋迦如來上足弟子  
成就大法也世間福田耶以爲愍念諸衆生

故而作乞食汝今既見何故不起不迎不禮  
不共相問復不讓坐汝今者覩見何事故而  
不起迎尔時無畏德白父王言不審大王頗見  
頗聞轉輪聖王見諸小王而起迎不王言不  
也復言大王頗見頗聞師子狩王見野干時  
爲起迎不王言不也復言大王頗見頗聞帝

釋天王迎餘天不大梵天王有曾禮敬餘天  
衆不王言不也復言大王頗見頗聞大海之  
神禮敬江河池等神不王言不也復言大王  
頗見頗聞須彌山王禮敬諸餘小山王不王  
言不也復言大王頗見頗聞日月光神有曾  
禮敬螢火虫不王言不也女言大王如是菩  
薩發心趣向阿耨多羅三藐三菩提轉輪聖  
王以大慈悲初發心已云何禮敬離大慈悲  
小乘聲聞大王頗有已求無上正真正覺之  
道師子獸王而禮小乘野干人耶大王頗有  
已求大梵道處而發進者而當親近微少善  
根聲聞人耶大王頗有欲到大智之海欲求

善知大法之聚而求牛跡聲聞人耶以彼從  
他聞音聲故大王頗有欲至佛須彌山爲求  
如來無邊色身而欲更求小芥子中空三昧  
力諸聲聞人而禮敬耶大王頗有得聞諸佛  
如來功德智慧如日月光如是聞已方乃禮  
敬諸聲聞人螢火虫耶以諸聲聞唯能自潤  
自照從他聞聲如得解故大王佛入涅槃尚不  
禮敬諸聲聞人何況今者世尊在世何以故  
大王若有親近聲聞人者是人即發聲聞之心  
若人親近緣覺人者是人即發緣覺之心若有  
親近正真正覺即發阿耨多羅三藐三菩提  
心無畏德女如是說已以偈報父阿闍世言

譬如人至海 而取一文錢 我見諸聲聞  
所行亦如是 至大法海已 捨大乘寶聚  
而起狹劣心 修行小乘道 如人親近王  
出入無障礙 從王乞一錢 彼人徒親王  
敬心近輪王 從乞百千財 潤無量貧窮  
是名善親王 如人求一錢 聲聞亦如是  
不求真解脫 而取小涅槃 若起狹劣心  
自度不度他 猶如小醫師 唯自治己身  
譬如大醫王 療治衆多人 善起慈悲心  
得恭敬名稱 彼醫得世利 以達醫方故  
自度不度他 智者不恭敬 如善巧醫王  
通達衆方已 救無量千億 病苦諸衆生



彼醫得世間

恭敬及名稱

發菩提心者

普治煩惱病

大王毗麻林

花香影不妙

聲聞如毗麻

不救世發心

如至樹王所

多眾得利益

諸菩薩亦尔

能益一切眾

不以秋陽炎

能竭諸小水

至於大海已

能潤無量眾

聲聞道狹劣

猶如牛蹄跡

不能滅眾生

所有諸煩惱

非上諸小山

如現金色身

唯昇須弥山

悉見金色身

大王諸菩薩

亦如須弥山

以彼住世故

世間得解脫

皆是一色身

一切智具足

聲聞智不尔

其猶如朝露

不能潤於世

以不證法故

如地多增長

潤益無量眾

聲聞如花露

菩薩如大雨

親近得大法

如海之潤勢

猶如躑躅花

無彼微妙香

男女所不樂

唯喜瞻蔔花

如求青蓮花

花香甚奇妙

躑躅如聲聞

彼智不潤衆

猶如瞻蔔花

諸菩薩亦亦

愍念衆生故

能化衆生衆

大王頗曾知

何者大奇特

一人在曠野

如利多人是

若欲善安隱

度無量衆生

應發菩提心

勿取二乘道

世間曠野中

能濟失道衆

如彼善導師

諸菩薩亦亦

大王頗曾見

小棧度大海

唯乘彼大船

能度無量衆

大王聲聞棧

菩薩如大船

修道法薰已

今度飢渴海

大王頗曾見

乘驢堪入陣

唯見乘象馬

鬪戰便得勝

聲聞如驢乘

菩薩如龍象

降魔坐道樹

度無量眾生

猶如夜虛空

見諸星不現

滿月顯現故

能照閻浮提

聲聞如星宿

菩薩如滿月

愍念眾生故

示現涅槃道

不以螢火光

能令有所作

日光照閻浮

今作種種事

聲聞如螢火

不能多利益

佛具解脫光

愍念一切眾

不以野干聲

能令獸王恐

唯有師子王

一吼飛鳥落

大王諸聲聞

不發菩提心

不為益眾生

除一切煩惱

大王見此故

不發聲聞心

既發大心已

云何得發小

大王善得身

能發無上心

救拔一切衆

棄捨小乘道

善得世間身

復得世間利

善來在世間

而發無上心

惴求無上道

救拔諸衆生

若能自他利

彼人善可嘆

亦得世名稱

及得究竟道

以是故我今

不禮敬聲聞

尔時阿闍世王語無畏德女言汝大我慢云何而見諸大聲聞而不奉迎女言大王勿作此語大王亦慢云何不迎王舍城内諸貧窮者王語女言彼非我類我云何迎女言大王初心菩薩亦復如是一切聲聞緣覺非類王語女言汝豈不見諸菩薩等皆悉禮敬一切衆

生女言大王菩薩爲度憍慢瞋惱諸衆生等  
令彼得起迴向之心是故禮敬一切衆生爲  
長衆生諸善根本是故菩薩禮敬衆生而諸  
聲聞無瞋恨心又復不能增長善根大王假  
使百千諸佛如來爲說妙法而彼所得戒定  
三昧無有增益大王聲聞如琉璃菩薩如寶  
器大王譬言如瓶滿天降雨時而不受一滴如  
是大王諸聲聞等假使百千諸佛如來爲說  
妙法而無受潤不能增益戒定慧等亦不能  
令衆生發心至一切智大王譬言如大海能受  
諸河及雲雨等何以故以大海是無量器故  
大王諸大菩薩摩訶薩等演說法時隨所聞

者得大福利增長一切諸善根本何以故以  
諸菩薩皆是無邊言說器故尔時阿闍世王  
聞女語已嘿然而住尔時尊者舍利弗作如  
是念此無畏德女得大辯才而能如是無盡  
言說我於今者前至其所少少問之我且問  
之女得忍不作是念已前問女言汝今為住  
聲聞乘耶荅言不也汝今為住緣覺乘耶荅  
言不也汝今為住大乘心也荅言不也舍利  
弗言若如是者為住何乘而能如是師子吼  
耶女荅尊者舍利弗言若使我今有所住者  
則不能作師子吼也我無所住是故我能作  
師子吼而舍利弗作如是言為住何乘如舍

利弗所證得法彼法豈有乘分別耶此是聲  
聞緣覺之乘至大乘耶舍利弗言汝聽我說  
我所證法無乘非乘差別之相以一相故所  
謂無相無畏女言尊者舍利弗若法無相云  
何可求舍利弗言無畏德女諸佛之法與凡  
夫法有何勝負差別之相女語尊者舍利弗  
言空與寂靜有何差別舍利弗言無差別也  
無畏德言舍利弗如空寂靜無有差別勝負  
之相諸佛之法與凡夫法無有勝負差別之  
相又舍利弗亦如虛空能受諸色而無差別  
諸佛之法與凡夫法無有差別亦無異相尔  
時尊者大目犍連語無畏德女言汝見佛法

與聲聞法有何差別而見如是諸大聲聞不起奉迎不與酬對不讓床坐無畏德女答目連言假使星宿遍滿三千不能照了聲聞亦不以入定智而能照知若不入定則不覺知大目連言若不入定則不能知衆生之心女言目連佛不入定而於恒河沙等世界如應說法度諸衆生善知心故何況微少星宿光明諸聲聞耶此是諸佛如來勝事又大目連一切聲聞頗有能知幾世界成幾世界壞大目連言不能知也女言目連聲聞頗知幾數諸佛已入涅槃幾數諸佛未來當入幾數諸佛現在今入目連答言不能知也女言目連



聲聞頗知幾數衆生多貪欲者幾數衆生多  
瞋恚者幾數衆生多愚癡者幾數衆生等分  
行者曰連答言不能知也女言曰連聲聞頗  
知幾數衆生受聲聞乘幾數衆生受緣覺乘  
幾數衆生受於佛乘曰連答言不能知也女  
言曰連聲聞頗知幾數衆生聲聞度之幾數  
衆生緣覺度之幾數衆生佛能度之曰連答  
言不能知也女言曰連聲聞頗知幾數衆生  
在於定聚是正見者幾數衆生任邪定聚曰  
連答言不能知也女言曰連唯有如來正真  
正覺如實善知諸衆生界而為說法如是之  
事非諸聲聞緣覺境界況餘衆生日連當知

此是如來殊勝之事如來具得一切智故一切聲聞緣覺所無時無畏女復語尊者大目連言世尊常記大目捷連於神通中最為第一目連神通能知能至香象世界知彼世界一切諸樹皆出上妙旃檀香不目連荅言今始得聞彼世界名去何能往至彼世界目連問女彼佛何名而在彼處世界說法女即荅言彼佛号曰放香光明如來應正遍知在彼說法目連語女今者去何得見彼佛時無畏女不起于座不動威儀而作誓願若使菩薩初發心時能過一切聲聞緣覺以此誓願願彼放香光明如來現身於此令諸聲聞緣覺見

彼香象世界及龕上妙旃檀香樹時無畏女發此誓已於是放香光明如來從身放光以放光故時諸聲聞皆得見彼香象世界及佛菩薩諸衆圍遶羅網隱身為衆說法彼所說法此處悉聞佛神力故復得龕彼諸樹微妙旃檀之香彼世界佛作如是言如是如是如無畏女之所說也菩薩如是初發心時已過聲聞緣覺境界說此法時弥勒菩薩摩訶薩白佛言世尊彼妙樹香何因緣來佛言弥勒是無畏女共諸聲聞如法論議及發誓願彼佛知己故以神力現如是香及彼世界而彼上妙旃檀之香遍此三千大千世界時無畏

上妙栴檀之香遍此三千大千世界時無畏  
女語目連言若見如是不可思議諸勝功德  
而能發起狹劣小乘聲聞之心唯自度者當  
知善根甚為微少誰見成就無量功德菩薩  
之事而不發於菩提之心目連頗知彼佛世  
界去此幾何荅言不知女言目連乘諸神通  
經百千劫能知能見彼佛世界無有是處譬

如一切竹葦叢林不可筭數過如是等諸佛  
世界方乃有彼香象世界爾時彼佛卷攝光  
明旣攝光已香象世界及彼如來忽然不現  
爾時尊者摩訶迦葉謂無畏言女曾見彼香  
象世界及彼如來應正遍知耶女即荅言大  
迦葉如來可見不如佛所說若以色見我及

以聲求我彼盡行邪道不能見如來以諸如  
來體即是法身佛法非可見聞去何可知見  
隨何方便衆生樂者佛則示現無障礙身任  
方便故然大迦葉謂我言曰見彼世界及見  
彼佛等正覺不我見彼佛非肉眼見以非肉  
眼所覩色故非天眼見以無受故非慧眼見  
以離相故非法眼見離諸行故非佛眼見離  
識覩故大迦葉我見如來亦如尊者迦葉所  
見以滅無明愛見心故大迦葉我見彼佛亦  
如尊者迦葉所見又復亦見我我所等迦葉  
言女若法永無去何而起無明及愛及我我  
相所有衆生不可見故女言大迦葉如是一

切諸法永無彼去何見大迦葉言若一切佛  
法畢竟是無云何可見女言大迦葉見諸佛  
法增長義不大迦葉言我尚不知諸凡夫法  
何況佛法無畏女言是故尊者大迦葉彼法  
不成就云何有斷續而不證者見大迦葉諸  
法永無不可示現是故大迦葉一切法皆無  
若法本無云何可見彼清淨法界大迦葉若  
欲見淨如來彼善男子善女人應淨自心時  
大迦葉語無畏言云何善淨自心女言大迦  
葉如自身真如及一切法真如若信彼者不  
作不失如是見自心清淨故迦葉問言自心  
以何爲體女言空爲體若證彼空信自身故

即信真如空以一切法性寂靜故尔時尊者  
大迦葉語無畏女言汝從何佛聞如是法而  
得正見如佛所說發正見者有二因緣從他  
聞法及內思惟女言大迦葉藉彼外聲聞外  
聲故後內思惟大迦葉菩薩大士不假他說  
不假音聲云何而言住於寂滅迦葉言女隨  
所聞法而觀察故名為觀行時大迦葉復問  
女言菩薩云何內自思惟女言大迦葉若共  
諸菩薩說法同事而不起衆生相菩薩如是  
內觀是故名為成就內觀大迦葉一切諸法  
具足本際及中後際以一切法真如體故一  
切法現在真如體故若是觀者是菩薩名為

成就內觀應知迦葉言汝云何安此諸法女  
言大迦葉如是應作如彼真如見無縛無解  
大迦葉言云何而見名曰正見女言大迦葉  
若離二邊見故不作非不作如是見而不見  
是名正見大迦葉法者唯有名字而離名字  
故以永不證故時大迦葉復問女言云何得  
自見無畏女言如尊者大迦葉所見大迦葉  
言我不見自身及見我所女語尊者大迦葉  
言應當如是見一切法以無我我所故說此  
法時尊者須菩提心大歡喜語無畏女言善  
得大利而能成就如是辯才時無畏女即語  
尊者須菩提言須菩提法有可得有不可得



而可求耶而語我言善得辯才我有此辯若  
我說無有所覺知若內若外則有辯才時須  
菩提即語女言汝何所證何所得法而有如  
是使妙辯才女即答言不自知故不從他知  
所得善法及不善法差別之相如是知法不  
見深淨有漏無漏有為無為世間出世間及  
凡夫法以不見故以彼法體是佛佛法而得  
佛法而不見佛須菩提若如是者無所覺見  
有此辯才須菩提言云何辯才女言須菩提  
如仁所得如是除滅女語尊者舍利弗言如  
彼法體無聞無得而有所說女語尊者須菩  
提言法體可住不復可增減不而能有此辯

才時須菩提即語女言若證無漏及法無有  
差別及無辯說以彼法體不可說故女語尊  
者須菩提言於一切法云何而生如是念言善  
得其利得如是辯須菩提言汝以得辯故說  
為不得故說女語尊者須菩提言信如佛說  
一切諸法如響不耶須菩提言我信此事女  
言影響為有辯才無辯才耶須菩提言以內  
聲故而外響女言須菩提以緣有聲而有  
彼響彼響為有同性相耶然彼響聲無有性  
相何以故若以緣生彼無生義須菩提言一  
切法緣生無畏女言一切諸法體性不生須  
菩提言若一切法體性如是畢竟無者云何

如來作如是說恒河沙等諸佛當成正覺女  
言法界爲可生不須菩提言不可生也無畏  
女言諸佛如來一切皆是法界性相須菩提  
言不見一切諸法界也無畏女言諸有所說  
言汝無漏而說恒河沙等諸佛當得正覺此  
言何趣何以故法界不生不滅故一切說非  
說以畢竟淨故以彼非事不可言說離於實  
際須菩提言汝甚竒哉既是在家而能如是  
善巧說法復有如是無盡辯才無畏女言須  
菩提菩薩無有取以不取聞以不聞若在家  
若出家而有辯才何以故以心淨故而令智  
顯以智顯故而顯辯才女語尊者須菩提言

今可善說菩薩之行須菩提言汝說我聽無  
畏女言須菩提菩薩成就八種法行故不得  
言在家出家何等八法須菩提一者菩薩得  
身清淨定信菩提二者成就大慈大悲而不  
捨衆生三者成就大慈悲故善巧世間一切  
諸事四者能捨身命分及成就方便善巧五  
者善巧無量發願六者成就般若波羅蜜行  
離一切見故七者大勇猛精進以修諸善業  
而無厭足故八者得無障智以得無生法忍  
故須菩提菩薩成就如是八法故不得言在  
家出家出家隨何威儀住菩提中無有障礙  
今時尊者羅睺羅語無畏女言此言乃是不淨言

說汝蹈寶屐復坐高牀而能如是共諸聲聞  
徃復論義汝豈不聞為不病者不得說法及  
不得為高牀坐人而說法耶時無畏女即語  
尊者羅睺羅言頗如實知淨不淨耶尊者羅  
睺羅是世間淨不羅睺羅言無淨不淨無畏  
女言如來制戒隨而受行而犯彼戒為淨不  
淨若復有人不犯彼戒非淨不淨無畏女言  
且止且止勿作是說若如說法若如制戒而  
修行者彼說不淨羅睺羅以彼證得無漏法  
故彼則無有犯以不犯彼亦無有淨與不淨  
何以故以諸聲聞過諸說法過諸制戒如來  
為諸聲聞學者來於三界為彼故說而彼聲

說法蹈寶屐復坐高牀而能如是共諸聲聞  
徃復論義汝豈不聞為不病者不得說法及  
不得為高牀坐人而說法耶時無畏女即語  
尊者者羅睺羅言頗如實知淨不淨耶尊者羅  
睺羅是世間淨不羅睺羅言無淨不淨無畏  
女言如來制戒隨而受行而犯彼戒為淨不  
淨若復有人不犯彼戒非淨不淨無畏女言  
且止且止勿作是說若如說法若如制戒而  
修行者彼說不淨羅睺羅以彼證得無漏法  
故彼則無有犯以不犯彼亦無有淨與不淨  
何以故以諸聲聞過諸說法過諸制戒如來  
為諸聲聞學者來於三界為彼故說而彼聲

聞已過三界以是義故說過不過諸界如是  
以彼不能覺知戒故說淨不淨而虛空者唯  
有言說唯智力見是故得說淨不淨也羅睺  
羅言淨與不淨有何差別無畏女言譬如真  
金遠離諸垢作莊嚴具及不作者色何差別  
羅睺羅言無有差別無畏女言淨與不淨唯  
有名字以為差別無餘差別何以故一切法  
性離一切垢無染無著女語尊者羅睺羅言  
坐高廣牀不應說法一切菩薩坐於草敷勝  
坐高牀勝於聲聞在於梵天羅睺羅言以何  
義故女言羅雲頗見菩薩坐於何座而得菩  
提羅睺羅言坐於草座女言菩薩坐於草座

所有三千大千世界釋梵護世四天王等及  
餘天子乃至阿迦尼吒天等悉來禮拜合十  
拍爪掌至菩薩所禮菩薩足羅睺羅言如是  
如是時無畏女問羅雲言成就如是法菩薩  
而坐草座勝於坐彼高廣大牀及勝聲聞在  
於梵天尔時阿闍世王語無畏女言汝可不  
知此是釋迦如來之子於學戒中最高第一  
耶時無畏女語父王言且止大王勿作是說  
言羅睺羅是如來子大王頗見頗聞以不師  
子之王生野于不王言不見女言大王頗見  
頗聞轉輪聖王禮敬諸餘小王以不答言不  
見女言大王如是如來師子之王轉大法輪



聲聞圍遶大王若依正法而說何者是爲如  
來真子則應答言諸菩薩是是故大王不得  
說言如來有子如來無子若說如來有真子  
者應言若發阿耨多羅三藐三菩提心者是  
如來子說此法門時阿闍世王宮內二萬諸女  
發菩提心二萬天子滿足彼法聞此女師子  
吼已發菩提心王復語言此是過去未來現  
在諸佛之子離諸煩惱學聲聞戒去何真子  
今時彼諸天子以花散佛遍王舍城以爲供  
養無畏女故時無畏女下彼牀已然後禮敬  
諸大聲聞而施種種微妙飲食若舐若嗅若  
啖如法供養彼諸聲聞供養已訖作如是言

不審尊者諸大聲聞何故晨朝離如來所而  
來至此應聽法已然後乞食尊者且去我正  
介間須臾到彼無畏德女於晨朝時共阿闍  
世王并女之母及王舍城無量人衆導從圍  
遶至如來所禮如來足却坐一面彼諸聲聞  
亦至佛所禮佛足已却坐一面介時尊者舍  
利弗白佛言世尊此無畏德女如是竒哉得  
大福利佛語尊者舍利弗言此無畏女已於  
過去九十億佛發菩提心於彼佛所種諸善  
根為求無上佛菩提故舍利弗言世尊此女  
能轉女身不耶佛言舍利弗汝見彼女豈是  
女耶汝今不應作如是見何以故以是菩薩

發願力故示現女身為度衆生於是無畏德  
女作是誓言若一切法非男非女今我今者  
現丈夫身今一切大衆皆悉覩見說此語已  
即滅女身現丈夫身昇於虛空高七多羅樹  
任而不下尔時世尊即語尊者舍利弗言汝  
舍利弗見彼無畏德菩薩不在於虛空任而  
不下舍利弗言已見世尊佛言舍利弗此無  
畏德菩薩復過七千阿僧祇劫得成正覺号曰  
離垢如來應正徧知彼佛世界名曰光明佛  
壽百劫正法十劫純菩薩僧三万不退轉菩  
薩彼佛世界淨琉璃地八道莊嚴蓮花所覆  
無有一切諸惡道名天人充滿舍利弗如瓊

率天受微妙樂及勝法味彼諸天子受如是  
樂亦時無畏德菩薩母号日月光與阿闍世  
王俱合十指爪掌往至佛所白言出尊我  
得大利我於九月懷娠此子然此善男子今  
作如是大師子吼我今迴此善根向阿耨多  
羅三藐三菩提過此已後於彼離垢光世界  
而成無上正真正覺於是佛告尊者舍利弗  
言舍利弗汝今見不答言已見佛言舍利弗  
此月光女捨是身已生忉利天号曰光明增  
上天子若弥勒菩薩得菩提時是彼見王上  
足之子於彼供養弥勒佛已便即出家彼見  
王子於弥勒佛所說之法初中後說盡能憶

持次第皆見賢劫諸佛悉得供養如是漸次  
供養佛已然後於彼離垢如來得菩提時得  
作大王具足七寶号曰持地彼見王子供養  
如是諸如來已亦乃得成阿耨多羅三藐三  
菩提号曰遍光如來應正遍知具足成就佛  
之世界如上所說尔時月光夫人歡喜踊躍

許阿乙道拾遺奇

即脫價直百千兩金妙寶瓔珞而供養佛語  
大王已受五百正戒具修梵行尔時無畏德  
菩薩在如來前作如是言以此誓願因緣力  
故令我未來得菩提時諸菩薩亦皆被法服  
一切化生以此誓願因緣故願令如來猶如  
年少八膺比丘無畏德菩薩如是現身說此

語已被正法服即戒比丘具足威儀尔時無  
畏德菩薩語自父母阿闍世言大王一切  
諸法皆如是即時忽現生相離諸分別所起  
之相無諸顛倒大王以即此時復現女身王  
見不也王言已見而我非以色身相見我今  
現見比丘身已復見女身佛問王言何者是  
實大王應當作如是學住一切法中正見一  
切亦生煩惱所燒故以不達法力故以不達  
故於非疑處而生疑悔當應數數親近如來及  
文殊師利童子菩薩以彼菩薩威德力故而  
令大王得受悔過尔時世尊告阿難言汝受  
持此無畏德菩薩授記法門讀誦勿忘阿難

若有善男子善女人等具足七寶施滿三千大千世界諸佛如來若復有人能受持此無畏德菩薩授記法門一句一偈聞已受持得福過彼何況具足若讀若誦廣為人說如法修行如來說此無畏德菩薩授記法門時月光夫人及無畏德母并諸天龍阿脩羅等聞佛說已皆大歡喜信受奉行

大寶積經卷第九十九

制

匹

匹字作匹非

履

奇逆反

狹劣

上侯夾反

苴麻

上必反

躑躅

上直亦反下直欲反


瞻蔔

下蒲北反

棧

音伐東竹水也南人曰簿

北	音	薄	人	曰	械	舶	音	白	大	竹	葦	下	羽	鬼	藉	才	夜	蹈
踏	盜	音	排	神	只	反	也	子	雜	反	懷	娘	下	音	申			
舌	也	也	也	也	也	也	也	也	也	也	也	也	也	也	也	也	也	也



猪飼順良寄附



